

別集一

咨文

詩

呈文

疏

劄

啓辭

西庄集十一

西厓先生別集卷之一

詩

春日定州公廨閑居偶題

半簾疎雨燕飛忙
永日閑齋一炷香
花落滿庭慵不掃
清風時趁北窓涼

義州迎春堂夜坐遇雨

幽懷悄悄夜堂空
旅枕偏驚落木風
坐到五更人不寐
濕雲寒雨滿城中

元日有感

舊年逐夜盡新年
隨日出如何一笑中
更失三百六流
光感苦心遠思驚
芳節岸柳嫩輕枝
簷絲颺初旭雪霜

豈不深萬物已春色抱病正杜門端居媚幽獨有懷誰
見告得意還自悅寒梅不可負有信江南約

初春齋居感事有作

春來連雨雪寒氣未全柳色迎時急梅花見事遲
梅已黃跡無心共遠靜與病相宜寥落柴門迥閑居草
滿池

高陽道中

山溪一雨水生波傾側危橋擁亂拉江燕自飛人不見
晚風吹盡野棠花

定州南臺玩月懷京友明日寄柳景文叔

昨夜南臺望蒼昊俯眺垌宿雲依暗渚良月滿虛亭一

病三春暮孤樽兩眼青忽思京洛伴千里尚同聲

陪使相登百祥樓少憩發向嘉山

高樓縹緲上雲梯倚遍危欄日欲低山勢直窮遼塞外
江流不盡海門西晴川芳草詩情動孤鶩殘霞客思迷
關路正長王事急驛亭疎柳馬頻嘶

登箭門嶺望鴨綠江正是三國邊界其西則接
連大海極目蒼然意是登萊對岸其北則高山
接天陰雲殺氣令人愁慘因憶少年過此俯仰
今古有感慨之懷

崑崙箭門嶺登眺意何如日落青徐界山圍韃靼墟大
江流浩渺平野遠紆餘十載重來過秋風鬢髮疎

贈滕李達二首

李達吳洲人從 詔使來能詩自言平生好
遊此去欲遊天台鴈蕩諸山

愁心不定似驚鴻一瞥青燈五夜寒忽憶西江相別後
此生無路得重看
採藥尋真去不歸白雲紅樹思依依天台處處迷仙躅
從此人應識面稀

奉別退溪先生

乞退新承 命春江暮帆輕 聖恩憐白髮朝議軫蒼
生濟世非無術耕雲奈有盟今朝無限意不獨抱離情
免喪後始出遠志精舍有感

來上林亭晚秋深錦樹酣清霜凋日夜落葉滿西南碧
水明丹壁歸雲間暮嵐江山非不好愁思自難堪

豐基客舍留別裴汝友

丙子夏余以獻納 召還京時汝友為郡守
朝雨汝友留余既而雨晴乃發戲書

臨分不厭酒杯深脉脉都傷去住心山日向晴官道直
莫愁天際有輕陰

宿龍宮李眉叟家庭有梅花一株可玩

獨抱閑愁坐夜長悄無相問掩脩廊春風不斷簾旌動
一樹寒梅晚自香

宿烏嶺村店

悄悄林風起冷冷溪響生幽懷正迢迢山月自分明浮
世身如寄殘年病轉嬰南來還北去簪笏愧虛名

漢江留別鄭汝仁

風雨歸時急鶯花去後多春工一相送世道復如何

卧病江村聞笛

西風昨夜動秋臯病裡光陰屬二毛鐵笛聲中有相思
楚天寥泬月輪高

奉贈李判書後白以宗系陳奏使赴京

謁帝申冤事不輕三年公復向西行王尊為國寧辭險
李扎觀周舊著名高義半生傾海域丹忠一日動天
庭相思最是烏巖夜繞館烟花月正明

送金書狀游赴京

蒼茫臨歲暮雨雪集晨朝
海城人初發燕山路正逢朔
雲迷遠樹邊月共殘宵
珍重朝天節春風好度遼

秋日村居即事

看盡行雲度遠岑
卧聽高樹一蟬吟
孤村日暮無來客
古道秋風未黍深

次晦庵韻

夜聞山雨下宿雲朝
在麓十日斷徃還
柴扉映茅屋亦有千載人
心期詎幽獨紫陽有妙語焚香時展讀

挽金司成復一

五十先陰一夢驚
桐鄉遺愛在蒼生
沉綿二豎無良藥

風雨三秋隔老兄直氣正非今世上清修不愧古人情
哀詞題寄南雲黑漢水西來鳥道橫

挽李青蓮

天柱峰摧南極傾蒼生望絕士林驚青年志槩凌霜雪
白首忠勤動廟庭揚綰佇看扶大業魏公寧復倚長
城如今萬事關時運雲暗寒山日欲暝

遊岐湖夜月登孤山

孤山踏月弄仙花挂棹歸時月未斜南浦採菱人欲盡
隔林松火認漁家

咸昌客舍次湖陰韻

龍宮館裡午聞雞走馬咸寧日掩西啼鳥落花隨處在

暖風芳草客魂迷
流年冉冉空傷老
別思茫茫刺入題
小閣臨觴忽惆悵
起看天際片雲低

歧亭留別

草色連湖遠
花枝出屋多
歧亭一回首
奈此別離何

乞暇南歸宿良才村

客程愁脫滯
南郊落日寒
風動柳梢山
勢壯連嵩岳
近江流西下
海門交羈遊
卽序空驚晏
到老軒裳未
易拋
望盡川原懷
渺渺危途咫
尺當函嶠

江樓觀漲

臨江那得見清波
黃濁滔滔日復加
欲向西樓待明月
只愁風雨夜深多

五
五
士潭精舍新成偶吟

小筭經年合幽期與日長病餘身遠近春後水蒼茫曉
壁歸雲黑晴沙細草香
士窓閑睡罷邂逅得虞唐

月夜遊友人李汝沃園亭

君家池館勝獨出
馮幽襟落月低宮樹清風滿竹林團
藥成小會邂逅即知音散策閑吟處塵紛不許侵

書權章仲松巖草堂

谷口三年卜巖腰一逕通小窓霜竹響微月暮江空老
去唯須隱愁來未易窮臨流一長嘆兩片起秋風

雨中坐燕坐樓次半山韻

晚雨踈還密歸雲止復行三春酬卧病十載誤虛名樓

對屏巖竄門臨洛水清
長安定何處迷路夢難成

題性真詩軸

下山尚帶烟霞容
閑日聽音洛水東
叩以玄譚差可喜
問之塵事摠如聾
三生歲月悠悠過
一錫雲山處處通
見汝師生俱不俗
為題詩句寂寥中

次李季獻瑀學琴韻

手生絃澁不成音
強自塵塗客遠襟
鼓罷虛堂江月白
一般山水古猶今

屏山書院奉別金鶴峰還朝三首

何事危欄悵望頻
為君終日獨傷袖
滿天風雨江雲黑
誰向孤舟欲問津

西唐先生別集卷一
凌波不見美人遊
清洛無情獨自流
從此江籬與芳杜
露香風葉共殘秋

漢水終南入夢思
亂蟬秋樹別魂悲
男兒自有平生志
莫使揚朱泣路歧

奉寄南仲綬延祿二首

不見意中人
難堪歲暮心
黃花將爛熳
白髮已侵尋
綠酒時孤引
清詩坐獨吟
誰能乘小艇
牽興過山陰

白日孤村靜
丹楓古迳斜
野烟生晚壑
江鷺下晴沙
尚阻連宵話
其如遠別何
愁來江浦望
十里樹陰賒

甲申以觀察使到比安次壁上韻仍寄教官年

兄

山有扶蘇隱有龍美人相憶倚高壩寒雲暗黑迷歸鴈
落日蒼涼下遠松老去都無浮世戀談來尚露舊時鋒
還慚按節虛宣化薄俗寧論比屋封

齋居讀易落花滿庭隨風入窓可愛

相伴寒窓唯晤魔獨行虛閣數飛花靜中更把義經讀
不覺斜陽下遠沙

丁亥元日大雪次望湖軒韻

大雪羣峰暗濃雲四野同長林隱見裡蒼壁有無中病
或閑來減詩從靜後工室空香綫細幽思正神通

丁亥暮春讀易有感書壁上

窮蹇讀易嘆吾迷晨起研劇至日西莫道職文消息遠

隔窓春鳥數聲啼

次韻寄漁隱亭同遊諸君子

漁隱亭遙望遠川竹洲移棹水如天相逢各說溪山興
日暮歸來雨滿船

西樓夏日聞打麥聲

快閣來憑霽景清丹崖縈帶碧波明南來二載身無事
卧聽前村打麥聲

七月十五日俗號百種村民為父母招魂以祭
之

麥飯一盂蔬一盤招魂江上陳祭祠秋天漠漠秋日黑
魂歸不歸未可知人生到此淚沾臆江水東流無歇時

悼經男

萬里憐吾獨三年望汝歸形容長在念卽序更如飛湖
晚雲生壁鷓愁月隱庭遺魂招不得老去自無依

軍威松峴省先租墓縣監柳君夢并來訪曰與
同至南溪欲卜居士友數人隨之目以一詩記
其事

連宵風雨急遠村花盡落前溪漲新綠玉玦鴻寒石同
心忽見招幽賞夙所愜聯翩二三子騎馬出林薄
始崎嶇俯巖旋乘豁郊平麥苗齊天遠峰巒列微雨
來灑清河漁煩俗主人喜客至班荆坐日夕道想已云
高情談更無斃敬問卽婦里嘉嘆仁賢績欲求一廛居

息此萍蓬跡
沉吟招隱篇
珍重伐檀曲
誅茅從此始
耕讀隨年足

仙夢臺次退溪先生韻

高臺登眺若憑虛
漁釣生涯我不如
花落半庭春事晚
碧簷松影更蕭疎

偶詠

茅簷細雨晚丁東
古木蕭蕭八月風
終日小軒愁獨坐
一江青壁有無中

北庄精舍草創十年中間財力遽屈幾不能成
弘也發憤營辦堂宇皆具適會余退歸之
日而吾舍有成天公固解事也喜甚更次前韻

青山數疊如拱揖碧玉一片秋江虛孤亭十年僅有成
從今辦作幽人居幽人遠赴尊鱸約江風細拂紅塵裾
山僧有志事竟諧小園脩竹依江墟研朱點易碧窓寒
歲晚相從吾與渠

題遠志亭

洛水西流急嵩高高柱望頻那堪千里別又度一年春天
地容高枕江湖送此身浮雲終日在回首獨傷神

屏山與諸君校先師文集有感呈鶴峰兄侍者
江樓日夕悠倘佯濟濟羣賢更滿堂共撥遺編重理緒
此生寧復望門牆

次文山次謝愛山賦文陽雖好不多時韻

樹抄風來生晚涼江波橫曳殘霞光西天無數亂峰出
紫氣縹緲連天長我今振衣千仞岡風雲壯懷同飛揚
已看月照東山上不愁落景虞淵藏與君搏前歌一曲
萬事相看雙鬢黃

將赴 召西行登江樓有感

白雲一片生丈人晚來飛作西江雨雲消雨霽水鏡澄
江南江北多烟樹人生快意一登樓萬事悠悠吾已老
萬事悠悠吾已老明朝又向關西道

書山人思瓊詩卷

秋山清秋水寒落葉一片下西林鴈陣無數飛空潭湘
岸青楓天雨霜孤舟蕩槳君山陰美人不見愁人心

題龜鶴亭三首

統郭沿溪細逕賒官橋村樹巧藏遮苔侵古石玄衣濕
出列晴霄彩翼斜異地逢塲真不偶幽居占勝儘堪誇
主人高節如清獻龜鶴相隨老一涯

龜鶴亭中龜鶴姿幽情物態共相宜身辭魯杞寧希錫
夢入揚州更可騎孤艇乍回烟雨裡小橋吟過夕陽時
閑將二玩供真樂不許尋常俗子知

過臯曾揖羽衣仙袍骨何如曳尾賢軒對晚峰看立立
臺臨綠水弄淵淵雲天有路聲聞九蓮葉成巢壽滿千
麋鹿鳬鷺猶可友一區相伴共踟躕

次陽明韻題玉淵壁上

幽居興味與時深塵事寧容一點侵竹塢秋聲聞戛玉
江臺月色見鎔金行藏淚滴登樓眼精一刃漸痊道心
滄世已知真夢幻晚來長嘯白雲岑

龍湫次金子瞻韻

萬事悠悠獨倚樓夕陽芳草使人愁留題冷落塵生壁
忽忽存亡問幾秋

趙月川寄書答去又書一律以道未盡之意

衰病侵尋雪滿頭洛城風雨更淹留驅馳湖海終何補
整頓乾坤不自由萬事一心還皎皎百年多累儘悠悠
山中遠寄當歸信晚歲行藏亦可羞

奉別韓德載

自識荆州面真軒萬戶侯塵埃一令手江海獨登樓
去風霜苦南遊歲月道題詩欲寄遠千里意悠悠

過松巖懷權章仲

詩老乘雲久孤村過客悲平論一生事堪作百世師
迢迢寒雲色悲涼老樹枝唯餘舊三迳秋草正離離

題鄭子亨道味洞

地認呂文舊居後道味新纔成數椽屋已占萬山春
野曠宜多養民淳可卜隣去來真自得時復片綸巾

孝陵道中有感

癸巳十月車駕還都余復相甲午七月奉
命謁孝陵出西門望漢江兵火之後四郊

西唐先生集卷一
一
空虛極目無復人烟

落日秋風動白蘋江頭行客淚沾巾雲山極目空園國
野樹連天不見人天啓兩京方佑漢楚餘三戶可亡秦
書生白首真無用匣裡龍泉會有神

題花石亭

粟谷亭名

山形背立本同根江水分流亦一源花石古亭人不見
夕陽歸去重消魂

次天將韻

伏蒙辱示盛什謹次奉呈荒拙可笑

英名從此動夷華許國誠深不顧家辦得奇功歸去日
鴨江春樹正飛花

宿婆娑城登襟江樓

客子登臨情浩浩高歌一聲山石裂長風吹上東峰月
萬里天容一樣碧我生於世真悠悠北去南來成白髮
風塵天地老病催宇宙歸來空嘆息

贈別李提督如松二首

濟世須憑盖世雄三韓再造指揮中驅除醜類還鯨窟
鋪叙皇靈盡海東漢府趨塵雲滿後安興迎節雪飄空
追陪一歲艱危地戀德傷離意不窮

天威震疊下箕城千里妖氛一半清豈謂長驅無甲馬
要須全勝罷屯營羌降每軫留兵議歲暮仍難得虜情
除却鯨波期永息不知何計報昇平

次贈松雲師

纔從關外至更向湖南歸
擊楫心猶壯還山夢亦稀
秋風吹正急征旅未應遲
努力奇功建何須惜暫違

玉山夜飲贈鄭克已好仁

天地猶南北關河更弟兄
浮生饒別恨歲暮獨遐征
燭淚天將曙霜華夜轉明
相看不能寐危涕自縱橫

到黃江驛前少憩坐溪邊石上聽水泉咽咽欣

然意會忽忘道途之艱偶作

時戊戌冬
罷官南還

久坐幽巖石靜聽水澗聲
冷冷去相續汨汨來無停
自有天機妙非關世俗情
吾衰未聞道恨作醉夢生

宿雲巖

關心百慮夢難成
卧聽庭松打雪聲
風起鴈驚雲欲散
一簾殘月曉仍明

除夕在覺華寺東庵偶題

繞壁泂溪細逕斜
雲林深護梵王家
一窓霽色明殘雪
千里遙岑散暮霞
塵世去來如夢幻
人生離合似風沙
若為學得安心法
羽化登仙不足誇

塵世去來如一
作世事變遷真

贈太雲

僧太雲為余看護玉洞精舍殆十年前冬余
羈寓山中親知斷絕雲自河上來相隨不去
一日出詩軸有余辛巳春所題云細草初生
洛水湄梅花又發驛南枝斜陽獨抱巡簷興

偶馮山僧軸裡詩俯仰之間已十九年矣而
衰病如許無復舊日情致再和其韻

春風又到曲江湄紅入桃花更幾枝
來田海水真朝暮
舊物唯存一首詩

二月余自道心出河庄前慶山縣令李浚晦齋
先生之孫也從慶州來訪臨去以詩為贈

此去挑花洞迢迢七舍餘獨來殘雪後遙訪故人居
舊
義今猶在交情病未疎春風一相別危淙各連如

春愁

楚之天空濶楚山碧楚水無情盡日流江南綠盡王孫草
燕子不來人自愁

讀韋蘇州詩

萬物自生聽太空恒寂寥此意無人識
喧啾昏復朝韋公晚聞道一言真妙訣
悟來無一事淨室自生白若欲強解說
踏地皆滕葛更懷瀛溪翁胎藏一無極
耿耿一片心千年猶可覲憐我坐衰病
說夢還自迷夜來獨沈吟一窓殘月低

雨後前山杜鵑盛開忽憶庚午春以書狀赴燕
三月還到鳳凰山下滿山皆此花遼人謂之滿
山紅今已三十年矣覽物不能無感舊之意賦
此云

使節當時最少年還程正值艷陽天鳳凰山下花如錦

西屋先生集卷一
鴨綠江頭柳似烟帝里和風飄客袂鄉關歸興屬吟鞭
如今卧病南河曲白首看花只黯然

三月晦獨來玉淵書堂少坐凌波臺見碧桃正
開殊可愛玩忽念此物關我何事要須從山水
風花都不著心方是究竟法因書一絕于南窓
以自警云

一步移來便墮塵看山看水亦迷真還知逐物皆成癖
雪月風花解誤人

吟蟋蟀

蟋蟀鳴何急聲聲如有情幽人半夜起明月在西庭

鳴玉臺

芳草生幽徑寒溪盡日哀春風無限意信馬獨歸來

獨坐

空齋獨坐澹忘言竹裡風殘鳥不喧山後日沉紅半斂
樹梢江遠翠平分心從有象多成妄道本無形易失源
嘆我白頭今尚爾世緣何翅一浮雲

西川君鄭汝仁自星州還京訪余河上小酌松
亭又舟渡北潭登凌波臺日暮相別汝仁素患
消渴是日多食红柿數櫟而去既別次東坡石
田驛韻欲寄汝仁

茅屋三間松萬株淡烟連村橫一抹柴門今日為君開
紅柿清茶慰客渴日晚携手步江沙共上秋山山路滑

酒醒人散忽怆悵獨向雲間望閭闔

松亭別松雲

西風松下一杯酒關海三年怨別心白首相逢又分手
江潭落木秋雲深

次老杜九日韻

高眺乾坤眼界寬一杯相屬未成歡黃花向客偏多意
白髮乘酣盡上冠長浦鴈聲秋色遠亂峰楓葉夕陽寒
龍山勝會年生事莫把茱萸更細看

次金季之六賢留衣庵韻

依舊山前夕照明留衣人去只留名想應宴坐觀空日
贏得飛花滿太清

九月十七日猶子猗赴狼川任所贈別二首

搖落江村暮分携淚眼昏
國恩吾未報民事汝須勤
約已常持戒閑時可學文
男兒自有志餘外總紛紛
去歲楊村別流離道路中
自知成永隔誰謂更相逢
天地洪恩重門闌喜氣濃
歸期在何日慎莫負春風

詠玉淵石壁

上接碧天色俯歷千丈灘
狂流任蕩擊高處不容干

三月下霜

正月繁霜事可哀誰將天道問栽培
幸從南畝憂無夢不向公庭賀臘雷

題亡絃琴

五絃琴作七絃琴薰風一去無回音高山流水古今同
世上無人知我心

庚子元日夜次陸放翁田子元日韻

舊歲為新歲寒村一病翁光陰瞥眼過生事與時窮萬
計歸虛北今年願小豐松明替殘燭呼噪任兒童

庚子人日次高適韻

不分江湖與廟堂此心安處即吾鄉平生行世無長物
只有忠肝與義腸聖言不憂無不懼易說何思又何慮
行年六十未聞道亂雲飄飄無定處今年今日復明年
俯仰天地多風塵當時賣藥韓康伯願為無聞無識人

江村曉起即事

江僻歸雲濕園林宿霧輕孤村經夜雨幽徑草齊生

送趙甥稷還延安二首

千里來尋十日留那堪此別更悠悠欲知別後相思處
花滿江村月滿樓

歸袂飄然不少留白頭離思謾悠悠天涯芳草無窮恨
日暮烟波獨倚樓

寒食前一日將出掃先塋以雨雪止

春寒猶料峭寒食不見花凍雨全成雪青泥半後車衰
遲筋力減香火歲時賒丘墓經年隔孤懷欲如何

寒食雨晴始出金溪在豐山道中馬上口占

雨後寒風動客衣水村山郭散朝暉江中亂鴨真乘勢

天際頑雲未解圍。世事百迴。今日是山河。一聲昔人非。
閑愁欲說知誰是。信馬春郊。獨自歸。

月夜與子姪步梅花下次東坡飲酒杏花下韻
江邊物色艷暮春。月中花影尤宜人。蘇仙佳句至今傳。
絕勝流水涵清蘋。南枝北枝俱爛熳。風來萬點飄香雪。
沉吟花下繞百匝。不覺西峰已殘月。人間得喪等得雲。
一醉花間萬事空。莫笑白髮被花惱。且為衰顏得酒紅。
七月五日風氣颯然。與子姪數輩遊北林佛塔。
令奴妾去荒穢。以火焚之。時風惡火盛。須臾淨。
盡林影婆娑。可以逍遙。明日次東坡上巳出遊。

韻

秋風蕭蕭輕雨飛微涼早入前村塢興來幽尋不辭遠
牧豎農夫相戲侮古寺遺基石塔橫細逕穿林日亭午
林深境邃俗塵隔欲呼魚鳥相爾汝長松萬株遶江曲
碧蘿千丈蛟龍舞年深荆棘翳佳木剪剔寧論疲僕苦
嘗聞古人烈山澤一炬燒荒吾亦主清陰生地石苔斑
野草閑花相媚嫵冠童三四共盤桓坐久忘歸同藉土
還思十載走風塵老去始學樊須圃三年澤國困漁父
一夢鉤天曾帝所悲歡已付泡影中杜門澄心看姦女
平生學道妄有意上下爲魚窮仰俯通來多病百無爲
白石携歸親自煮鼎鑊爐寒不成母一篇遠遊徒虛語
時時率意輒孤往不論隣家與僧宇行歌白雲帶月歸

西廂記卷第一
絕勝東華候朝鼓人生所貴在適意坎止流行只如許
後知賞心不在遙伐木何須凌險阻無官身輕是實語
客來賀我何須吊

今年書舍菊花晚開至十月旬方盛目憶昌黎
詩鮮鮮霜中菊既晚何用好有感

數枝疎冷不勝霜尚得開花滿院香歲暮地偏車馬少
撥英三嗅倚斜陽

登樓有感

獨上江樓有所思關千倚遍夕陽遲乾坤無瀆高低裡
雪月風花品題時大道祇今歸罔象名言從古易支離
欲知上下爲魚妙高處從來只在卑

晴曉獨行庭中偶書屏上

青山繞屋如相護
白髮侵人苦未饒
人世都無容足地
一庭晴晝且逍遙

題看竹門

細雨春江上前山
淡將夕不見意中人
梅花自開落

樓中秋思

青楓在江壁
寒雨打蕭蕭
終日樓中客
心懷不自聊

伯氏宅門外小池種蓮今年盛開

菱葉立紫門
草露沾我衣
蓮花嬌欲語
相對却忘歸

題魚樂亭與胡氏同登

亭在花山東麓下
臨洛水亭主金君世商雝

武人而孝友絕人鄉里稱之晚年築亭於此
以漁釣為事余嘗名其亭曰魚樂今過亭下
而金君已作古人亭蕪廢雜草滿庭唯數叢
山菊開花動搖秋風而已余不勝悲感書一
詩於壁上而去

孤亭猶在主人亡雲物蒼茫歲月荒秋草滿庭行徑沒
一叢山菊為誰香

道中又吟一律

遠巖亭一望盡南東試整危襟溯北風
高鳥暮雲秋色裡亂山紅樹夕陽中
江流衮衮來無盡世事茫茫去不窮
何處牧童橫晚笛一聲寥亮散晴空

青山白雲歌

青山都在白雲中白雲盡沒青山顛風吹不止雲卷舒
半在山頭半在天雲多變態山無語相離未久還相連
幽人無事不出門坐看雲山一喟然須臾日暮山色黑
綠樹雲深啼杜鵑

讀徐克夫鳴巖錄戲書

幽居間在萬山中滿壁圖書樂未窮五千興闌松菊老
只留猿鶴怨春風

秋日步庭中

葛屨行庭踏曉霜竹籬茅舍日荒涼
西林葉落寒聲盡
壯岳雲橫晚勢長
吾道固然寧自怨
世翁如許為誰忙

閑來試欲歌商頌金石遺音已杳茫

早春

春雲陰陰春雪飛春寒惻惻春衫薄終朝無語守空堂
所思天南又天北山高水深千萬里一夜池塘春草碧

題秋虫集

天地逢秋序微虫亦有情自悲還自語非為動人聲

風菊

養得數叢菊寒花晚欲開狂風一夜急顛倒半池黃

詠虞卿

虞卿蓋俠士之知義者以魏齊之故棄相印
卒以窮困哀哉

白璧一雙如糞土黃金百鎰同瓦礫平生握手魏公子
四海同心重膠漆人生榮辱亦偶然百年契分神明知
誰入置我俠士論勢利之交寧不悲君不見孟嘗門中
相印回薛下游士多如簇翩翩信陵非長者在向屠門
驚世目

無題

北風吹動小微雲星月分離各異門蘭葉蕙花愁欲老
楚江烟雨正黃昏

精舍雜詠

南河一曲是菟裘碧水丹崖近小樓莫向江南問漁父
烟波日暮使人愁

偶吟

孤舟日暮艤江沙
步出青林訪道家
倚竹滿園苔徑合
一庭春雨落殘花

湖月

朝望平湖水夕弄平湖月
平湖水澗石壁高
月色烟光相點綴
有懷凌波仙
不見生塵機
采菱不覺歸
來晚腸斷湖山青一髮

冒雨獨來玉淵令
僧剖竹引山泉
墮石上其聲琤琤可愛
睡起成一絕

山澗冷冷落小塘
新荷點水動微香
幽居漸覺塵緣少
只有清風共晚堂

次沈領府事韻

柴扉寥落掩荒村過客爭傳是相門
煙雨暮山寒食路桃花春水武陵源
行藏有道神常泰趨舍無心德益尊
聖代不應遺故老廟堂經濟待公論

次韻奉諸君

庸學微言混魯魚諸君辨說已無餘
欲知妙處同條貫功在心中不在書

非魚安得便知魚目擊忘言意有餘
功力自憐無分寸向來空讀五車書

快挾天風百尺臺高懸明月共徘徊
西樓獨宿空相清夢時時繞水隈

觀天地生物氣象

默坐澄心鏡冥觀造物情
鳶魚自飛躍動息各生成
草綠溪翁室花明處士庭
阿誰參至理妙契入無聲

庚子初秋念四

新晴嵐翠滿西東
頁手行吟一畝中
浮世百年餘短髮
壯懷千古有清風
纏痼苦憶安心法
向老難忘癡主衷
欲上危樓揩望眼
五雲何處是天宮

贈金曉仲兄弟

強起三年病欣逢二妙來
扁舟載逸興夜渡水雲隈

次老杜韻題僧軸

病起尋江舍僧來過竹坡
蕭條荒店小隱約暮山多
歲

晚悲芳草人愁怨
碧蘿水雲無迹臨別意如何

齋夜即事

松聲滿院小堂靜
竹影橫庭寒月明
老人不寐窓間卧
默數香爇到五更

白雲

白雲亦有心
卷舒依時節
朝從天際去
夜向巖邊宿
回風一吹散
陰薄不成澤
飄飄不自持
蕩蕩空中滅
天寒歲云暮
獨伴山中客
非無贈君意
畢竟還自說
長歌白雲謠
聊當紫芝曲

戊子夏與士純諸友會屏山編退溪先生文集
今十三年而諸君復會院中輯年譜感舊興懷

吟一律錄呈幸各和之以記一時之事

文會當年盛編摩此日同干戈頭白後山水眼青中亦
足看天意何須怨化工斯文還一脉吾道未應窮

送洪府使君瑞還京

衰病一如此餘生已可知那堪垂老日重賦別知詩碧
樹蟬聲滿黃雲嶺路危秋來多北鴈唯幸寄相思

月下獨步庭中偶吟遣懷

於世百無用還家苦不早晚收廊廟跡歸作田中老田
中無所有繞屋只桑棗地偏車馬少親知跡如掃環堵
數畝餘掩閑事幽討行庭愛明月坐階憐芳草月既解
人意相隨永為好草亦不世情一般同懷抱無情勝有

情邂逅還傾倒聖言曲肱樂詩歌稼穡寶吾生即此是
笑傲窮涼燠

贈友生

衰病侵尋雪滿頭思君不見意悠悠那堪別後年華晚
碧樹蟬聲已近秋

立春後出金溪望見豐山驛里柳色微黃感時
興懷悽然泣下

荒郊匹馬已斜陽景物無端惱客腸野渡寒波生晚碧
驛亭疎柳上微黃思來忽覺幽朋隔別後仍驚歲月忙
欲說心懷憑短句淚交殘墨不成章

過馬塘

天燈山西有古井俗傳昔有吏居其傍得龍
馬於井中騎之朝夕往來東京不廢叅衙其
言甚誕然至今天旱則祈雨其處

鶴駕山頭春日西小村微雨鳥空啼不見當時龍馬跡
野塘無主草萋萋

八月錄扈役功有 旨召上疏辭後作

未死殘魂在重聞 聖旨溫雖叨三錫命愧未一酬恩
澧浦愁雲結周京望眼昏披肝數百字幾日抵 帝閣

耳蒙 召旨又以病不赴

殘袖心情病鶴容難將白髮犯秋風空慚 聖主推恩
厚未信孤臣賦命窮天宗有雲長向北世間無水不流

東神京正在千峯外碧丹霞望眼中

金而得新卜江舍名以松陰又號秋月堂寄二

律韻

松陰與秋月都在此中間異境知誰借幽盟肯自寒怡
情雲半壑護屋竹千竿料量平生事無如一日閑
茅屋三椽足苔庭數畝多風流蒲江月富貴一園花遠
樹連還斷還山直復斜興來隨杖屨無處不吟哦

書示柳訓導

宗直

勝日逢東魯吟筇出北林同穿荒徑蒞仍過暮江深腰
老嫗圍帶頭童懶着簪閑身幸無事雲水好追尋

五月十五日夜雨曉起書壁

夜聞山雨下西窓人獨宿朝起眊庭篁數叢添新碧

題階上牡丹

數尺牡丹叢托根連雲石葉前青羅帶花張紅錦幄偏
含雨露恩更得清和節富貴良足誇花王擅奇絕寒梅
獨何事辛苦當風雪

次李五峰

好閑贈別獨樂堂主人李慶山後韻

李君信厚士憐我老多奇春風一見過秋日復來斯行
歲久已定世事安足悲且盡一杯歡莫遣雙淚垂清風
與明月此時又相隨

贈山人

何年結社坐遠峯夜夜焚香達曉鐘欲問閑中真意味

石壇春雨杏花紅

次人韻

今人難見古人風
軒鶴雞群自不同
愧我畫蛇終作累
憐君失馬坐成翁
窮村歲暮無來客
落日天長有惡鴻
耕讀晚來差可樂
卜居須問漢西東

秋蓮曲

蓮花紅灼灼
蓮葉青田田
生成苦不早
獨秀秋江邊
涼風日夕起
白露墮重玄
弱蔓不自保
霜雪還相纏
花凋葉枯誰惜之
中心尚有千絲連
我願美人意
化作藕中絲
但令相思情不斷
不恨天涯長別離

送金昌遠赴江陵

平生少年日分手易前期及此同衰暮非復
別離時莫言一樽酒明日難重持夢中不識
路何以慰相思此沈隱侯語靈芝餞席朱先
生舉以語李季章云如僕知此季章尚未也
又云解推乃之際一人衰暮足令滿座不樂蓋
其時先生年幾七十故云然余今年六十三
昌遠才四十八然則今日之知隱侯詩者莫
余若也後有數句雖工拙不同亦各言其志
也聞東如見徐克夫亦以此示之

江陵去河曲里數踰半千此別同遲暮前期又杳然芳
草秦京道晴雲洛水邊平生知制淚今日自漣漣

前言情不盡再贈

貧別雖云苦難同老別情百年看落日萬事欲沾纓莫
愛逢場飲須傳卧閣聲政成應不遠霖雨濟蒼生

次李白韻重別江陵之行

客從鄉國出遙向溟州去關山一千里迢遞隔烟樹老
年不再少一別難相遇行塵望易斷淚眼昏如霧

次昌遠韻又贈

難將弱柳繫行舟日暮烟波無限愁山窓別後梅花發
折取瓊枝不自由

挽西原府院君鄭琢

麟閣奇勲黃閣老人間壽福獨能全忠深轍藹忘身日

寵極園田謝事年遺業會看良史錄懸車留與子孫傳
傷心耆舊無多在鄉社春歸倍愴然

挽趙月川

病中垂淚強題挽只為相從四十春鍾鼓早知非鳥樂
林泉豈合墮風塵百年托契傷今日四海論文有幾人
遙想芙蓉山下路不堪吹笛夕陽隣

書法器軸

老病不出門門前草一膝沈吟月臨五邂逅僧來一雨
餘宿霧卷川原散雲日楚音已可喜不待求詩筆

秋月潭

步出疎林踏細沙隔雲依竹有仙家已覺江湖秋色老

滿山紅葉似蒸霞

雨中獨坐有懷

老夫不語坐支頤
江北江南有所思
日暮孤舟何處喚
滿江寒雨碧絲絲

自嘆

眼昏懶讀書
脚劣倦登臨
多病不飲酒
却掃無人尋
思量百千事
無可慰幽襟
唯堪一室中
收拾散亂心
亦恨歲月晚
蹉過好光陰
病起西窓下
清風動竹林

寓懷吟

白鶴飛上天
高風送六翮
逍遙好境界
萬里濶無極
不知一身高
但覺雙眼豁
黃河細如絲
泰山秋毫末
圖南

亦多事適意無南北

次晦庵聞蟬

高林滴餘雨西日照前扉滿樹蟬聲起村深入到稀

示金而靜

老人多病臥空廊秋夜沉沉更漏長往事入心多歷歷
新愁上鬢更蒼蒼難尋變化風雲氣自有分明日月光
江上已驚聞落木不須鷓鴣怨羣芳

病中送金主簿協還九潭丁未二月

碧河同掩十里扉挑浪生時鰕魚肥可笑生涯從此盡
一江明月屬君歸

西庄先生別集卷之一

西厓先生別集卷之二

疏

乞罷使養疏丙子十二月

伏以天地廣生成之德故萬物無不遂其性人君有體
下之仁故臣子得以盡其情今臣有閤迫之私而不自
盡於君父之前則是以微賤之故有阻於天地生成之
仁而使乾坤洪造猶有所不徧及者矣是故不避煩猥
之罪謹昧死上陳臣本嶺外人老母在安東地距京師
極遠臣棄朝夕之養而遊宦千里之外一離親側動經
累月每恐藥物供給之不時以速顛仆一念至此心膽
俱墜況臣母今年六十有五素多沉痾風氣之疾中年

喪禍積憂傷心衰敗之形奄奄難保聖人有言曰父母在不遠遊今臣非遠遊之時也臣不幸早失父今獨有母在耳日迫西山悲虞滿目臣於此實不能為懷也臣以至愚極陋濫蒙國恩筮仕以來長侍經幄榮寵極矣沐浴休澤涵泳聖化欲日夕仰望清光少效愚衷者固螻蟻之微誠也初非有林壑退藏之願難進易退之節而悶悶遑遑旋入旋出未嘗一日安心於仕宦者徒以有母故也君親雖無二致忠孝亦有緩急何者事君日長事親日短之謂也故古之先王以孝為天下使天下人子之欲養其親者皆得奔走來告於上其詩曰豈不懷歸將母來諄及其季世王化稍薄下情鬱

而不達其詩曰不遑將母又曰有母之尸殯養自我祖
宗朝尤循人子之情而多曲成之思故自侍從臺諫出
以懸郡縣之符以養其親者難以枚舉至于當世而隆
化不督民之所欲天必從之此類非一凡有人心者孰
不感激今臣之情勢迫切比之奉親在京而求外便養
者尤不啻萬萬如蒙 聖上矜憐俾乞湖嶺間一小縣
以去使臣得竭其才分以治民事而私以俸祿之入致
養盡死之母則非徒臣母子隕首難報而於國家孝理
之道亦有光矣臣昏殘篤劣最出人下十餘年間出入
侍從臺諫無一事上補公家其效可觀也去留不關於
朝廷而於臣私情悶切如此伏惟 聖上天地父母

憐之察之俾遂微願則其於公私實為兩便臣不勝惶
恐悶迫之至謹昧死以聞

乞解官歸養疏 辛巳

伏以臣曾以私家悶狀累瀆天威情雖切於籲誦事
實涉於煩濫律以公法無所逃罪不意天日下燭微
忱曲遂既畀便是以為母養纔十閱月又荷甄錄慶臣
以經幄之任汪濊者天地之恩固至融而極厚細微
者螻蟻之分將何術而補塞循省增惶感涕自流數月
以來冒昧非據侍從講讀之末瞻仰 聖穆之光雖自
知任重難堪駕劣難策而銜恩感德不敢言歸第念
臣母老病之狀益甚於前而臣之遠出遊宦一年難似

一年關懷去住繫心彼此憂撓之魂一夕九遷臣愚狼
狽不知所出將此耿耿只得赴訴於君父耳臣於來
時母尚不離床席而猶勉臣赴召曰公義可畏大
恩不可孤也及臣行出門輒有悶然之色更呼曰汝來
何時臣對以不敢遲滯囑付婢僕看護無闕徭悲道路
心若吞梗既入都下日念歸期音書魂夢可懼可驚人
間情痛盡在臣身臣素以淺劣心虛氣削觸事生悔衰
失精神近添憂母之念益無以專意於職事無補清朝
士論所鄙况出入無定瘵曠亦多臣身既懼於罪戾重
任有同於虛器臣實悶焉臣近得鄉書所居閭井瘟疫疾
大熾迫于室廬死亡相繼臣母衰敗虛羸然獨處恐

易嬰感而村店稀濶奔避無路憂勞驚恐食息靡寧臣
當此時邈在千里之外脫或人事未盡失於救護則窮
天之慮後何可追而帶職乞假留滯遠方往來屑屑煩
擾驛傳臣亦不敢自安伏乞 聖慈寬臣猥瀆之罪察
臣悶迫之情 特命遙免臣職俾臣得馳去救母以便
公私臣無任惶悶迫切之至謹昧死以 聞

辭副提學疏甲申八月

伏以臣過蒙 寵擢被 命還朝遽緣賤疾重發不任
供職至於四告得荷 恩許曾未旬日又仍前除 聖
眷隆渥出於尋常感激驚惶撫躬失措今茲扶曳病軀
詣 闕陳謝更以悶迫之情籲呼 天陛伏乞 聖慈

憐察焉自古人臣受恩深厚孰不欲策勵奔走以圖報
效哉然而或有不取承當而力辭不已者非故為煩瀆
而已也其情誠有所不得已也故人君亦察其不得已
之情而聽許之使得隨分自安以免狼狽斯亦上下之
際情志相通較短量長各得其宜而為治世之一美事
也臣從前忝冒 經幄日月最久蓋自十餘年間長在
近侍之列日近 耿光庸虛薄劣天鑑所燭寧有毫髮
涓埃可以裨補者乎人雖不言臣實自知而貪戀殊
渥竊据因循多積愆尤厚招物議 聖度寬容譴罰不
加臣非木石何以能安惟當杜門省愆退處畎畝以自
補過於素榆豈宜抗顏彈冠還復冒昧寵斷罔利重誤

國事哉此臣之所以不敢冒處者一也臣少時稍有志
經史之業而不自勉勵中年病患侵尋心事摧頽王務
家私之累又從而纏撓之即今蒲柳早衰精神昏耗舊
聞新知十喪八九兀然為一庸人耳古人云君德成就
責在經筵此是何等重任必也妙取閎博有道之士極
一時之選環侍左右然後始可以啓沃陳謨無忝職任
而不為識者所笑矣恭惟聖明天縱學問日新而臣
無以蠢然之識濫居講官之長執經入侍何以開發卒
被顧問何以對揚論議可否亦何所折衷而免於罪
過耶此臣之所以不敢冒處者二也臣母今年七十三
歲比前益老去歲大病家信急來臣顛仆出門晝夜無

捏僅得救活自是以來衰憊轉甚無復人形今臣雖感
激國恩未免暫出朝夕之頃不知有何消息寢驚而
憂傷人生難期夕照如飛臣將何心以於遊宦以累
聖朝孝理之化而重老母之憂哉貪息勉留則私情難
忍乍入遽出則公議可畏進退維谷莫非臣罪此臣之
所以不敢冒處者三也臣之不敢冒處者略數之有此
數段其他曲折難以并瀾天聽殿下徒以臣為昔所
忝竊在今猶可拂拭滌洗更備驅使而不諒臣今日公
私之勢又非昔日之比也至如疾病沉痾羸敗已極不
堪致力於夙夜之務輒以猥賤之狀上瀆宸嚴益積
罪戾者皆係愚臣迫切之私而不得不彌訴於君父

者也嗚呼際遇明時登身顯列出入周衛之中蒙人主
知顧者固臣子之重榮而今昔之所顧也臣雖無狀亦
有大馬之誠千里赴召重入國門天地隆恩至於如
此而顧乃血誠祈免求退不已者豈臣之願哉誠亦有
不得已者焉耳伏惟聖明仁覆閭下曲成細類知臣
之愚諒臣之情察臣之勢勿強其所不能亟違非分之
職使臣歸于立壑以供菽水之養且得靜閑林下尋繹
舊業勉竭駑鈍以期微効於後日則生死肉骨尤出陶
甄結草隕首敢忘天恩臣不勝涕零感激祈懇之至
謹昧死以聞

劄

無冰劄

伏以二氣運行五行循序者天之道也一心宰物萬事
循軌者人之道也運於天者有常而感動恒出於人為
繫於人者多舛而善惡必驗於災禎其為物不貳則其
符應不差影之隨形焉可誣也古之明君奉若天道不
敢荒寧觀於寒暑之變察於雲物之異反求於身心政
事之間兢兢業業日日而戒謹者良以此也故順天者
昌褻天者亡千古得失之幾只決於人心敬怠之分而
已臣等竊念無冰大異也春秋二百四十年間僅再見
於聖筆而其後史策無聞焉說者以為周衰無寒歲秦
末無燠年周失之緩秦失之急類應之也洪範庶徵亦

云豫恒燠若豫者又怠慢寬縱之象也 殿下昭昭御
極總攬獨運非有逸豫之咎荒怠之失而夏令衆冬亥
律解嚴乃於前歲之季氣候乖戾陽縱而不凝則有雷
震電激之變陰渙而不收則有黃霧霖洩之災以至凌
陰未啓冲鑿俱廢遣使四出求索於崖谷督責郡邑力
征於生民傳聞畿甸之內斗米斤水故老咨傷感類滿
途臣等竊以為此非小變也然而 當子少側身之懼
廊廟無問喘之憂給舍絕謬謗之說百官廢交修之義
君臣縱弛上下凌替皇天仁愛之警不翅嚴父之誨子
而人之所以應之者泄泄日甚幾委諸不足畏之域此
臣等所未曉也天道幽遠固不可測度而其事之應漢

儒之陋也臣等不敢踵焉謹觀於今日之闕失而條其
救災之道得十目焉人無所不至惟天不容僞是故一
念誠篤則匹夫之微足以動天地至其不誠則萬乘之
尊不能以孚信豚魚夫微之顯誠之不可掩如此 殿
下固嘗務聖學矣而緝熙之功未著固嘗勵政治矣而
風草之化未孚敬天而天怒日甚勤民而民生日困延
攬賢才非不廣也而嘉言多不見施 恭儉非不至
也而土木未嘗停息執此數段而論之則誠實之心無
乃有未盡者乎孟子曰至誠而不動者未之有也臣等
願 殿下修實德以答天心可乎內言不出外言不入
六官有序而名分截然恩義無偏而禮秩不混威如之

言常戒於無私之地而負恃之漸杜絕於閭闔之外然
後人主之家正矣苟或不然則夤緣之路開禍亂之端
萌在古可徵明鑑昭然臣等願 殿下嚴內治以肅宮
禁可乎至簡而御煩至靜而制動用力寡而收功多者
為政之體也是故任用賢能百官承式而人君以大公
至正之道照臨於上時其賞罰之權而人無不服事無
不成不然而疲神於簿書之間役智於操縱之機則廢
事業勝百工解體天下靡靡日入於昏隕臣等願 殿
下審治體以立規模可乎公論者國家之元氣也元氣
盛則百邪不侵公論行則群枉屏絕古之明君精選直
諒敢言之士使在耳目之地以盡繩愆糾謬之責然後

庶僚以肅衮職無闕今者上有惡聞之病下多承望之心悠悠逐隊苟度時日言涉貴近則百不一伸事關九重則相視莫論紀法之廢職在於是臣等願 殿下重公論以整朝綱可乎天工人代不可曠廢一官一職必惟其人蓋名稱有虛實之辨器局有長短之殊必也較短量長各適其當然後無魚目混珠之弊而有奮庸贊襄之效矣近者陞黜眩於藻鑑之不精用舍出於論議之失實以致在位多覆餗之譏考績無明試之功國家之事終至於不可為臣等願 殿下覈名實以用人才可乎仕路之清濁由於公道之晦明公道之晦明在於銓衡之舉錯比來請托居先而姍姍雜進取舍惟勢而

賢愚莫問僥倖之門漸開於朝著奔競之習日滋於昏
夜有識之士竊嘆世道之日下臣等願 殿下恢公道
以杜倖門可乎庶耻者士之常行而慾利者人所同趨
世治則砥礪之士多世亂則沉溺之風盛古之明君知
濫觴之可戒而恐滔天之難遏養其羞惡之端而嚴其
黷貨之刑使為士者得保其常行而世道不至於汙濁
近者利源不塞風俗日頹人心交騖不顧禮義至於身
在士夫之列而敢逞市井之計者有之賄賂交於白日
田園遍於中外義利之說渾出一途仁富之術與之并
行末俗滔滔良可寒心臣等願 殿下養廉耻以清濁
俗可乎政以正人刑以禁暴畫一行之猶懼不從若復

廢墜何以為國古之明君守如金石信如四時如有作
奸犯科者必繩之以有司之法而不自為輕重故能使
奸宄之徒不敢有覬覦之心而輕侮朝廷也邇者姑
息成風紀法失守殺人大慙之賊亦從末減之律穿窬
侮法之奸得免常行之典其他司政典獄之官一切出
於便文自營之計市恩行私之術簡牘交橫政法蕩然
民無畏忌而幾為無法之國臣等願陛下明政刑以
杜奸細可乎為民立君所以養之也古人有言曰一民
失所足以知王政之惡一女見棄足以知人民之困然
則今日圻域之內凡失所溝壑之中而無告顧天感傷
和氣者未知幾億萬也惟宵旰惻念常在民生講求存

撫之方固已無所不至惟其百年之弊沉痾而未辭軍
額日縮而隣保之毒甚於水火貢賦不恤而防納之徒
有同狼虎此其大者餘不可殫論及今不為變通則燎
原之勢日甚一日而邦本蹶矣傳曰徒善不足以為政
徒法不能以自行此乃本末兼舉之說也臣等願 殿
下祛積弊以厚民生可乎學校者善之地也士子禮義
之宗也修之於身則有格致誠正之功行之於家則有
孝悌禮讓之實發於論議而有講道從善之樂達於朝
廷而有守死善道之志然後始可無忝於士名而有補
於王化矣近者士風不振儒術浸衰朝廷固已置之
於相忘而黨塾之間不見菁莪之美博士倚席不講而

課試之文只長名利之心師道廢絕禮樂崩壞此非細
慮而主風化者恬嬉日甚臣等願 殿下崇學術以正
士風可乎嗚呼為治有本末之序立政有先後之宜古
之聖人致力於方寸之內而收功於萬里之外潛修於
不顯之中而表準於風動之地者無他道矣 殿下聰
明冠古肅知出天其於修己出治之道固已無所不至
然而休祥不應灾異尚干天道神明必有其故臣等所
陳十事雖若經生陋儒之常談而於救時之務實非浮
泛之說苟能深留 聖意而策勵奮發加以不息之
功則將見表正於上而影端於下近而宮掖之內外而
朝廷之上莫不整然於軌範繩墨之中而天下萬事自

然鱗次而順序矣嗚呼靡不有初鮮克有終自古人君
於即位之初孰不欲惕慮圖治期回隆古之盛治哉及
乎歲月既久初心漸解而聲色貨利之累又從而雜然
於前而清明之體為其掩蝕則政治日頹以至於淪胥
而不返於是始以先聖模訓修齊治平之行一切歸之
於迂闊之論而屑屑於庶務末節以作聰明身親有司
之事而大體未舉不甫則又留心於財利講求於兵甲
使希冀迎合之臣爭進富強之說上投君心而紛紛不
已以誤國事者多矣此尤臣等之所不能無懼者也詩
曰敬之敬之天惟顯思命不易哉無曰高高在上陟降
厥士日監在茲又曰敬天之怒無敢戲豫敬天之渝無

敢馳驅書曰惟德動天無遠不届伏願 殿下思天變
之必不徒然靜觀於世道否泰之幾而日慎一日以厚
宗社萬世之慶不勝幸甚

辭職劄 甲午五月

臣庸愚暗劣不幸并冒重任於國事已去之後左右親
皆在外臣獨在政事堂國論有難斷之憂事機有難追
之會臣四顧茫然不知所處萬事奄奄日趨於不可為
之域臣晝而心語夜而拊膺求所以自靖之術而不可
得所願者惟溘然無知覺而已方今之勢有同累卵自
古豈有如臣者在相位而可望於中興哉千萬無是理
也且臣自亂離以來損傷心氣筋力漸敗精神昏亂扶

曳往來於備邊司日閱尋常一二回啓以為程課而籍
涉大段百未一舉至於國家存亡之幾生民離合之端
討賊復讐之舉兵糧措置等事如聾而不辨可否如瞽
而不察黑白今日如此明日如此徒見 朝廷之勢日
替覆敗之期將迫如臣者雖萬被誅戮何足以塞咎責
何足以謝國人此臣之日夜痛悶欲死而不得者也伏
望 聖慈亟圖不遠之復黜退愚臣改求濟時之才以
幸 國事若是則天下之事尚可為也

又 乙未三月

伏以臣病益彌留萬無可堪公務之勢不得已至於引
告竇非臣子今日分義所安而伏蒙 聖旨許令安心

調理又下別教於備局勿以小事煩臣且命內醫
院給與救藥精材草木之微有何補於乾坤雨露之澤
獨偏厚於生成凡在聞見莫不感激况於臣心亦何為
懷伏地垂淚不知所言茅以臣自前年四月得病輾轉
沉痾至今已成難治之疾然臣之一身少無所惜只以
國事為悶耳蓋以臣身既在相位而國勢如此正當坐
而待朝夜以繼日猶懼不濟今乃從容偃息且以病廢
事者殆將半年或十餘日一至朝堂如此而國事其不
至於顛沛乎夫以諸葛武侯之才其為相也猶躬治簿
書流汗終日罰二十以上皆親覽斯豈不知體要而然
哉誠以事急不暇緩行不如是無以濟危難耳今臣本

以至庸至愚當此危迫之際冒居鼎軸之重他事已不暇言筋力所為之事猶且以病全廢使玩愒之習緣臣益長四方傳聞無不解體坐見萬事日就於無可奈何之地臣誠痛悶不知所出臣自量病入膏肓氣血漸盡心力精神焦竭無餘雖或扶曳自勉出入公門輒昏之委頓不能酬應一二事而退以此悠悠其能有益於國事乎臣受恩深重當此之時豈敢言病然而必冀適免者非為臣私病而然也所念者國事耳萬乞聖慈深惟時事之艱艱俯念相職之難曠且察臣病非時月可調之症若至遷延必益誤事亟遣臣職改卜賢相則其於時事亦或少補而臣雖病死亦可瞑目於溝壑不勝

悲懇切祝之至

又

伏以臣衰病比劇自量筋力之敗一日甚於一日形容
盡脫精爽都去鬼貌已成行路驚嗟其在私室長卧少
起顧以時事方急力疾扶曳百計支撐每日往來備邊
司雖在公坐頃刻間困不自持輒就他所僵仆委頓良
久乃蘇如此者日或三四下吏之見臣者亦皆為臣悶
憐臣狗馬之齒已垂六十而枯朽至此蒲柳之質望秋
先零理難久存於世斯固無足言者臣之所悶者職名
在身而臣病不能事其事生而為曠官尸位之臣死將
為辜恩負國之鬼惟此介介將無以瞑目於泉下耳近

日臣雖病甚同僚俱在猶可推移職務苟度朝夕今左右相皆將遠出而臣獨在脫或病勢更甚不得候職廟堂無他大臣又無處置之路則國事奈何臣晝夜思惟不知所出惟望聖明曲察事勢趁此他大臣未盡出去之前早適臣職更卜他相使內外庶務不至曠闕以濟時艱不勝幸甚抑臣於疾病之外又有情勢間迫不得自安於忝冒者君父在上豈敢有隱臣本以無狀叨竊鼎軸人心不厭過咎滋多四方論議久益藉藉大臣之任本以儀刑朝著非庶官末職之比豈有人所輕賤而可以仍冒者乎至於年前有何色人乘經理初至或貼榜官壁或投書行館搆臣不測之罪以搖經理之

聽將以嫁禍於臣生事於國事非徒然豈不寒心頗經
理量私且知其出於構誣故其事遂寢不然則前朝金
方慶之禍將復見於臣身而又必為國家累人情如此
而臣冥頑不退因循尸居則必且衆怒愈甚危機益急
前頭新經理之來亦安保其更無此事乎一至則疑再
至則惑三至則信人之常情也慈母猶不免投杼况於
他人乎到此臣之自處無乃益難乎然人之於臣有何
深怨只緣臣所處之位非臣所當居故人鬼交惡恠事
百出理勢固然無足恠也夫以姓名出入於文字告訴
之中罪惡狼藉即州府胥吏猶知羞耻不敢恬然於其
任况以大臣為名者乎今國勢艱危天兵滿國若欲

造謗流言何所不至臣決知其不可仍在相臣之位以辱國家而其時經理方在京中臣不敢屢將此事形於啓辭之中以煩聽聞數月之間隱默隨行仰慚俯慄若無容措今始因臣疾病難堪之狀而并及於此事以籲臣不得已之懇伏望聖慈毋以臣言為泛然辭避之辭亟賜陶鎔辭臣非據以慰人心以安公私以靖國事區區血誠昧死敢達

又戊戌

伏以近日國事繁劇節序不調宵旰憂勞之餘王侯暫愆常度群下之情所共憂悶臣雖無狀亦有一段狗馬之誠敢為引咎偃息私室是豈臣心之所安昨日

伏承史官宣諭 聖旨臣伏地稽顙欲死無地臣素以
危淺之命積年癰疾深入骨髓日益沉痾僵仆委頓朝
夕待盡實無分寸筋力可以扶曳出入加以臣庸劣愚
妄久冒非據不能引退萬事板蕩莫非臣罪誠不忍更
以不肖之身上累 君父以貽羞辱於 朝廷臣於此
時違慢之罪輕冒昧之罪大臣之不敢在職決矣伏惟
日月有明容光必照天地洪恩曲成庶物敢望 聖慈
諒臣之病察臣之勢哀臣之心亟許適免臣職改卜賢
德以扶國事則臣死之日猶生之年謹當瞑目填壑結
草圖報席藁待罪辭不達意惶恐隕越不知所裁

啓辭

辭職啓

丙申十月

昨日登對時略陳臣情事悶迫疾病沉痾不堪供職之
狀請 賜適免公私之感交切於中不覺嗚咽失聲不
能盡達微悃而退今更匍匐 闕庭再籲 天聽不勝
惶恐之至臣雖無狀亦有臣子心腸當此國家危亂之
日豈敢歸辭稱病圖占安便第以臣之病勢一向危劇
不可支吾今年則寒氣倍甚故病勢益重常時上氣無
數頃刻之間若將氣絕者自腰以上則如在火中耳目
昏暗精神憤亂思慮云為俱失常度一日之中乍寒乍
熱滿身掉戰面無人色臣之此病非朝夕偶發之症今
已四年已作膏肓難治之疾萬無蘇復如人之理當此

之時臣之一身輕如鴻毛病之緊歇不足為念但臣冒
處重地職兼內外以此漸盡氣力其何以策勵奔走以
供職事乎此臣之晝夜憂悶至於流涕隕越而不知所
出者也宋時元昊之亂不過邊境之憂而相臣以養病
政府適免以無所建明去職良以朝廷重任百責所係
成敗之機決於呼吸苟失其任不可頃刻冒處故耳今
臣之病不事事幾日月矣如此而因循忝竊置國事於
悠泛之中自古以來未有如此而能濟者昨日申礫
筵中所 啓西方措置之事實係今日遠慮而臣帶體
察之號則下去經理此亦臣之責也而猶不能奔走宣
力萬一事出倉皇而大計或誤則臣抱病冒處之罪其

可勝贖乎臣不敢苟為虛讓揆之時勢實為如此此在
聖明默念裁處而已臣受恩深厚忝在大臣之列假
令不在相位當死於輦轂之下病若少減則亦當隨
諸大臣之後凡有所懷亦必陳達只以羸病之人冒在
鼎軸為悶伏望聖慈憐臣至情察臣事勢臣所帶本
職及體察職名并許逋免不勝悲懇祈祝之至

再啓

伏承聖教臣不勝惶恐隕越之至跼天蹐地無所容
措當此時勢雖小官末職凡有任事者當死生以之豈
敢言病臣雖愚劣非不知此義但臣筋力已盡心神都
喪冒處重地百事不舉誠恐國事債敗不可收拾故昧

死上請非為私計實為國事區區血誠天地所鑑伏乞
聖明深思國事早有裁處不勝幸甚

三啓

再承 聖教感激惶恐不知所達臣於危亂之際若以
自便為心而有此辭退則天地神明亦必厭之矣臣之
所悶者國事如此日急一日而臣在相臣之位且兼許
多職務曠官覆餗淹延度日其憂上關於國事非臣一
己私悶故為之千思百度晝夜憂恐不知所出而有此
籲號者也 聖恩雖許調理行公令時何時而臣敢一
日偃息於私室也臣之悶迫國人所知 天地父母亦
必照察伏望憐問以便公私

咨文

遼東咨 甲午九月

朝鮮國王為倭情事當職為照賊自上年四月離都城南下之後即分屯慶尚左右道公海地方占據險要設築營寨無意渡海有大酋清正據蔚山郡西生浦平行長平義智在熊川縣熊浦齊浦等處此其首尾聯絡釜山之勢而其根抵盤據在東萊無慮數十餘屯無名賊酋屯駐巢穴不可盡記又有賊兵或千餘或數千別於小邦南海中巨濟縣及天城加德等鎮分占留駐以舟船往來與左右道諸賊形勢相接欲以水路來犯全羅南邊轉出於西海賊情所在實為叵測小邦以瘡殘餓

羸之卒分頭把截東西數百餘里形分勢弱自保不暇
實無餘力可以勦除一屯加以三年持久糧餉之絕軍
卒死亡賊若更肆衝突無計抵敵今年幸賴天朝威
靈賊頗斂兵以等待封貢為言其情誠詐雖不可知然
其屯據經年形勢張肆兇謀益密必非無故而自退者
亦明矣自近日以來邊報愈急或言我班添糧或言逐
日演陣或言叫回已還砲手或言聚集散處徒衆或言
加築外城添設鐵鎖各人所報虛的實難盡信而彼見
沈蔡將久無回語日月已久嘗我已審虛實盡知其含
憤決裂之禍勢所必至且賊所流涎者在於金羅一道
蓋以小邦八道之中惟金羅獨免兵燹公私蓋藏精兵

器械稍在於此賊若先從此路則可便回糧而此路既
覆則他餘空虛之地可以長驅無憚本道一半已經焚
掠其粗完郡邑亦緣簽兵調度之煩一樣蕩敗然其人
戶亦猶為小邦根本此路若破則小邦之勢更無可恃
況關酋書來有明春出來之語賊中傳報之辭未受其
虛的而在我防備之道尤不可以不早區處目今封議
既罷秋穀已熟川兵適撤關隘空虛以此小邦人心危
懍荷擔相待當職日夜憂灼不知所以為計幸蒙察院
按臨東邊加意小邦今將賊情緩急逐一轉報此實東
民再生之會當職不勝感激除再查各該賊情及近日
追報緊急聲息備行咨復外煩乞貴司作速轉稟終始

拯濟為此合行回咨請照驗施行

呈文

呈司天使文

謹呈為陳情事臣之於君猶子之於父父母有過而或被環謫人子之心猶不忍聞况事大不然情實誣枉者乎寡君夙承先王付托之重祗荷天朝屏翰之寄憂勤庶政至誠事大莅除二十有七年無盪遊聲色之娛自母妃沒宮中一不設宴飲性喜觀書夜以繼日遇群臣以禮撫百姓以恩威宦近習絕無僣寵而橫恣者惓惓一念惟在於安危治忽之幾而至於綢繆陰雨之備尤所致意修築城壕點閱軍馬繕造器械儲峙糧

餉近四五年来用意加勤常如敵至自擬憑恃 寵靈
永保無虞而不意強寇猝至國內驚潰以靜安不習之
兵不能當勢大之賊遂致三都不守 五廟成墟與古
之失道喪邦之君同歸於一轍此一國臣民之所以拊
心長痛直欲籲天而無從者也天鑑孔昭人心難誣
聖朝掲存亡之大義黎民堅愛戴之一心綴旒墜緒保
有今日豈非我 寡君平昔所為不至於違天負民而
然耶噫自王師東來軍糈屢缺協助兵寡器械未利壕
塹未修簿書有後時之愆答應有踈緩之失種種罪戾
何可勝言古人云臣猶自知之倘非 聖明之仁庇小
邦任事之臣難乎免於金木之誅矣嗚呼賊居我境十

居八九兇鋒所逼生理盡絕拮据收拾力有所不逮而
其或踈缺誤事致勤指督者皆是臣子之罪至於寡
君之焦心刻意未嘗食息少弛則天地鬼神實所鑑臨
寧可誣哉豈意投杼之謗上徹慈母之聰至發於題奏
之間而勅諭嚴切眷眷於勗勉之意自寡君而言
則蒙聖上子視不外戒諭諄切有以見玉汝之盛意
而實千載之大幸也自臣子而言則以諸臣不逮之罪
而上累君父至煩聖天子勤誨其驚惶踴躍之情曷
有窮已此所以在寡君為感幸而在諸臣為寃痛也
顧惟小邦僻處遐遠雖有迫切之懷未易奏達如蒙老
爺俯賜矜察一為伸辨則三韓一域二百年宗社君

臣賴大人一言而定矣不勝究悶之至泣血稽顙敢此
哀籲為此合行具呈伏乞照詳轉報施行

呈經略文

查照小邦與倭國隔海相望自新羅以及高麗以及本
國之初無世不被倭患然猶阻山海之固修保障之險
往往摧敗強寇賊不敢近境民生安業已二百餘年
寡君自嗣守先緒其所以軫念陰雨警勅防備有加而
無恙不幸為強寇所乘六路幾於淪沒城關不保旬月
之間遂至播越此實罪在群臣之不能奉行而亦由本
國制兵之道有未盡焉耳蓋本國兵制略倣三代參以
唐府兵之規寓兵於農其守衛王京者分為八番每二

朔而相代其戍邊繖者分為四番一年再戍退則常在
於家兵無素練之將將無常隸之兵猝然有事則驅農
畝荷鋤之氓赴矢石爭死之地聞金鼓而戰慄望風聲
而却走一敗之後中外震駭不可收拾雖出於人謀之
不臧而亦由於昇平狃之制兵未善故耳今於賊滅之
餘人心危懼所以創艾往事懲惡後患者自不容於不
盡而奈何賊勢愈盛事機交迫財困於轉輸人疲於征
役自目前救急之外無暇致力於經遠之圖此小邦之
所以日夜寒心切骨而更欲奔走籲呼以求畢恩於父
母之邦者也節次奉承 欽依事理及咨劄令付其憐
愍危弱指示生路者不一而足無非救病之藥石冥途

之指南小邦君臣且感且懼謹已誓心泣血一一遵依
奉行外其隨光海君合當陪臣一節亦依兵部題奉明
旨尹斗壽尹根壽擇一以送事宜專差議政府左議政
尹斗壽曾已南下勾當一切事務又有戶兵工判書韓
準李恒福金命元等各以所管隨之夫艱難之際人才
為先各官既在其任當理其事舍此又不可以他求况
國事日急而勅諭之嚴切又如此各宜悉心戮力豈
敢怠慢誤事謹具呈稟

移接待使呈稟李提督文

體察使為極陳軍中利害急速懇乞天將及時征勦
事近日賊情已具於各處將官馳報無煩再告大抵制

勝惟在形勢形勢既得則雖弱可以制強況以強制弱乎今賊兵起大軍屯駐開城府頗合醜類專備西北至於漢江以南只以疲兵作屯或三四十里而為一陣左右皆有本國軍兵相持把守今若大軍姑為進駐東坡坡州大張形勢牽掣賊尾出精銳數千從江華水路直向南道繞出賊後掩其不意突進勦擊一舉蕩滅忠州以北漢江以南賊路斷絕則京城之賊不暇從東路以走回令京圻江原忠清等道軍兵勿遏歸路左右縱擊而大軍從後掩之則賊兵盡死於龍津驪江等處此萬全之計不可失之機事勢了然只在目前以之救小邦於阽危拔生靈於塗炭除天下將來之禍以紓

聖天子東顧之憂奇勲偉績指日可成何憚而不為也
自古夷狄無信難以約誓而戢其數心况關伯最為桀
黠而有無厭之慾從前積慮欲逞非分之計特假道於
小邦其心蓋未艾也今雖少挫於平壤中路還歸其假
降詐和乃其常態不過以此而遷延時日以為拒轍計
耳智者見於未然况已著耶今本國人民死亡殆盡糧
儲蕩竭少延旬朔更無支吾之勢失今不圖賊報已回
後雖欲圖得乎譬如病人稍有元氣藥力可行若元氣
已盡則雖有萬金良藥亦何所施本國各處儲峙糧餉
收拾軍馬日望天兵若天兵終不前進已聚之糧耗
於坐食已收之軍散於遠方賊勢益熾而本國失業流

離之民無所係望不得不折而從賊則天兵百萬恐
難為力若是則本國之事置矣勿論其於天朝何如
其於諸大將提兵來救小邦之意何如也當職前日呈
文于提督老爺以為時難得而易失事易過而難追者
正謂此也今有南方義兵將李山謙者來自南方備諸
一路賊情欲得浙江炮手一二千依前所陳出於漢江
之南而開城府留駐諸公深以其策為是特未蒙批示
於提督老爺故趨詣轅門欲一陳形勢仰接待使從便
傳達使得進前吐露以候裁處

呈查總兵文

體察使柳成龍謹呈總兵老爺本月初二日倡義使金

千鎰馳報去二月二十九日大雨江水漲溢漢江倭賊
所造浮橋為水衝破倭賊多數溺死沙平院賊陣亦為
淹沒馬匹倒殞流下江中者亦多賊船六隻先鋒持李
峻慶擊出又十二隻體探軍人擊出其他板子綿布大
索蔽江浮來數日之間遠水增添江津如海賊之浮橋
已破雖欲往來相投彼此阻絕不通沙平留屯之賊因
在沙中形勢尤危乘此機會相應合攻可以蕩平為此
馳報擬此奏詳倭賊結縛浮橋於漢江與沙平院之賊
往來出沒自為聲援本國軍兵方欲先破浮橋以截賊
援然後勦擊漢江以南之賊今此大水衝破浮橋似是
天助且係賊中事情理合呈報為此具呈望老爺照詳

兼為轉報都督府施行

代巡察使權慄稟李提督帖


全羅道巡察使權慄謹頓首涕泣百拜呈稟于天朝
大元帥提督府臺前卑職自大軍回旋平壤之後固守
孤壘日夜西望旌節已三閱月矣昨聞大元帥入城累
瘡飲血之兵失喜踊躍以為賊勢頗衰天兵大來殲
滅之期正當今日淬勵鋒刃誓雪刻骨之憤續被擄
走面人說稱賊氣奪魂喪陽為大言以鎮其下而內實
搖尾乞和幸其全歸天兵趁期前進多出奇計一鼓
而蹴之則萬世奇功收於一舉手之間而百年之內無
有後患其與耗費累萬棄其成績辱天朝之使而完

事於口舌者得失利害為何如哉有卑職軍官回自龍山說稱本國被擄男女老弱日以逃出不知其幾俺亦率數人前來前項被擄人俱說賊將各稱大明遣

天使護送則我當放還王子及宰相以倭將一人為質至於人口牲畜則將盡率歸被擄人等言吾等不死道路定奴虜服役於海島中相繼走回但慶尚道海畔通關市之民頗多虜入變為倭形疑慮日前所為或不即脫來見今賊數雖似多而實不滿二萬餘疲病及被虜人什居六七今乃臨機不圖縱虎還穴而又使大掠本國子女而歸他日無窮之悔不可言之患重貽東南姑息之憂者得無此舉為之兆耶談者或以吳越之事比

之是大不然小邦於一年殘破之餘子遺殘民浚膏椎髓已無遺力寧有餓死不願與此賊共生於天地何暇等待數十年生聚訓練而圖後舉乎向使吳王能聽伍子胥之言不許越納降則後患無自而起惟其不思遠慮惟目前之利是急信聽宰嚭之說故卒敗携李而沼其舊都抑此一事則可為戒矣比聞賊禍又及於先王兩墓痛苦摧裂惟有一死畢職已勅本道節度使宣居怡盡括本道兵要截歸路又有本道舟師大將李舜臣統合三道戰船截殺海口策勵瘡痍皆願赴敵而死豈可苟活而聞和論乎數日以來疾首扼腕掩泣號天三軍之怒髮已豎而不可抑矣漢江以南公路賊陣擊

職甚易若遣精兵變著我國人衣服從抄路進勦則真
一時奇策大軍過江長驅則卑職雖不解武事鼓動義
旅願為先鋒期以一死自効以復君父廟社父兄之讐言
而洩天下之憤怒伏願亟賜指揮緣係討賊復讐緊急
痛迫事情為此具稟





西庄

西

庄